

قلبي داعيلك

كُلُّ مرّةٍ .. لَمَّا اِقَابِلِك
بَلْمِحِك وبقول: يا بَخْتِك
مش حَسَد و لا غيرة مِنِّكَ
بس كان نَفْسِي ابقى زِيَّكَ

مِن سِنين فأت طويِلة
بفتِكِر أَيام جميلة
كُت خيال مِن ألف ليلة
لَمَّا كُنْت زَمَان فِي سِنِّكَ

كُنْت لَسَّه صغِيرَة
وردة جِلوة منوَّرة
ويَّا واحد كان حبيبي
زِيِّ ما صاحِبِك دا حَبِّكَ

حَبَّيْ .. لكن مفيش
الهوى ما بيشتريش
سابني في الآخر وقالِي :
جَرَّبِي مع غيري حَظُّك

عَدَّت الأيام بتجري
إتسرق من حُضني عمري
وَأَمَّا يوم مِنِّك بيهرَب
مستحيل يرجع لِعُمرك

فين حبيب يدِّيني حُبُّه ؟
أعشقه و أعيش في ضلُّه ؟
فين ولد يجري يقوِّلِي :
إفتحيلي يا ماما حُضنِك ؟

قلبي من جُواه داعيلك
يختلف عن جيلي جيلك
تفرحي و تعيشي عُمرِك
مع حبيبك الي حَبَّك.